



Bosnia and Herzegovina
Federation of Bosnia and Herzegovina

CANTON SARAJEVO
Ministry of Communal Economy and
Infrastructure

Broj: 27-01-33063-44/19
Sarajevo, 28.01.2020 godine

SKUPŠTINA KANTONA SARAJEVO

- OVDJE -

PREDMET: Odgovor na zastupničko pitanje zastupnika Zvonka Marića, dostavlja se
Veza: Vaš akt br.: 01-05-41335-25/19 i od 21.11.2019 godine

Dana 27.11.2019 godine, Ministarstvo komunalne privrede i infrastrukture je zaprimilo navedeni predmetni akt na nadležno postupanje sa zastupničkim pitanjem, zastupnika Zvonka Marića.

Zastupnik Zvonko Marić je na 15. (petnaestoj) radnoj sjednici Skupštine Kantona Sarajevo, održanoj dana 19.11.2019 godine, u okviru tačke dnevnog reda "Poslanička/zastupnika pitanja, inicijative i odgovori", pokrenuo je zastupničku inicijativu koje glasi da:

"Vlada Kantona Sarajevo poduzme sve aktivnosti kako bi Vlada Federacije Bosne i Hercegovine zajedno sa ostalim odgovornim javnim organima i preduzećima ubrzala radove na izgradnji Južne interkonekcije kao alternativnog pravca snabdijevanja prirodnim gasom Kantona Sarajevo".

ODGOVOR

Zastupnik je pitanje dostavio u pisanoj formi, te Vam odgovor Ministarstva komunalne privrede i infrastrukture Kantona Sarajevo na isto dostavljamo, a sve u skladu sa odredbama Poslovnika Skupštine Kantona Sarajevo ("Skupština Kantona Sarajevo", broj 41/12 – Drugi prečišćeni tekst, 15/13 i 47/13, 47/15, 48/16), a kako bi se odgovor mogao pripremiti za sjednice



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086,
Fax: + 387 (0) 33 562-177
Sarajevo, Reisa Džemaludina Čauševića 1



Skupštine Kantona Sarajevo i uputiti predsjedavajućem Skupštine Kantona Sarajevo, kako bi se isti dostavio zastupniku Mariću, kao i ostalim zastupnicima Skupštine.

Ministarstvo komunalne privrede i infrastrukture Kantona Sarajevo, u okviru usvojenih ustavnih nadležnosti i u okviru svoji nadležnosti u vršenju nadzora nad provođenjem odredaba Zakona o komunalnim djelatnostima, a u okviru kojeg su i komunalne djelatnosti pored pružanja komunalnih usluga od interesa za fizička i pravna lica, te finansiranje građenja i održavanje objekata i uređaja komunalne infrastrukture kao cjelovitog sistema na području Kantona, kao i Grada Sarajeva i općina na području Kantona smatramo da je Vaša inicijativa opravdana.

U kontekstu navedenog i tražene inicijative zastupnika Marića, želimo Vas upoznati da je ovo Ministarstvo komunalnih djelatnosti i infrastrukture još dok je bilo u sastavu Ministarstva prostornog uređenja i zaštite okoliša kao Sektor komunalnih djelatnosti dao već davne 2013 godine svoj stav tj, mišljenje na pismo od (COWI – IPF Consortium) – Jedinice za infrastrukturne projekte koja je putem međunarodnog natječaja odabrala konsultanta za izradu ovog projekta.

Prihvatanje ovakvih strateških energetskih projekata i Planova razvoja plinskih transportnih sistema je prvenstveno u nadležnostima operatera BH – GAS-a koji je i zadužen za održavanje, razvoj i izgradnju ovakvih transportnih sistema.

S obzirom na geografsku povezanost Bosne i Hercegovine i Republike Hrvatske ukazuje se potreba i opravdanost zajedničkih aktivnosti i povezivanje infrastrukturnih sistema obje ove zemlje, te i prirodna regionalna diverzifikacije pravaca nabave prirodnog gasa.

Vlada Federacije Bosne i Hercegovine je na 179. i 183. sjednici koje je održala i prihvatila i verificovala zaključak u vezi sa Informacijom o Projektu izgradnje gasovoda Južne interkonekcije Bosne i Hercegovine i Hrvatske (gasovod Zagvozd-Posušje-Novi Travnik/Travnik sa odvojkom za Mostar) i tekst Prednacrtu Sporazuma između države Bosne i Hercegovine i Republike Hrvatske o izgradnji gasovoda “Južna interkonekcija Bosne i Hercegovine i Republike Hrvatske na pravcu Zagvozd (HR) Posušje (BiH) – Novi Travnik/Travnik sa odvojkom za Mostar.

Vlada Federacije Bosne i Hercegovine je ovaj projekat proglasila od strateškog značaja s ciljem osiguranja sigurnosti snabdijevanja prirodnim gasom, diversifikacije izvora snabdijevanja i razvoja tržišta gasa u Federaciji BiH.

Federalno ministarstvo energije, rudarstva i industrije i Privredno društvo za proizvodnju i transport gasa BH-GAS sa posebnom pažnjom prate aktivnosti na realizaciji ovog projekta i shodno tome preduzimaju potrebne aktivnosti na njegovoj realizaciji.

Napominjemo da su ove sve informacije koje ste dobili u sa u dostavljenom predmetnom aktu broj: 01-05-18645 od 23.07.2019 godine, koje Vam je dostavljeno od Federalnog ministarstva energije, rudarstva i industrije kao Odgovor na Vaše pitanje kao zastupnika u Skupštini Kantona Sarajevo, a u vezi odluke Vlade Federacije BiH o poskupljenju plina i dovođenja Kantona Sarajevo u nezavidan položaj.




web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086,
Fax: + 387 (0) 33 562-177
Sarajevo, Reisa Džemaludina Čauševića 1



Također, molimo Vas da ovu predmetnu inicijativu najprije tretirate u skladu sa članom 213. Poslovnika Skupštine Kantona Sarajevo o kojoj treba da se izjašnjava Skupština, a ako se traži izjašnjenje Vlade Kantona Sarajevo, izjašnjavanje o istom se odgađa za naredno skupštinsko zasjedanje, kako bi Vlada mogla da se očituje o pokrenutim inicijativama. Ukoliko Vlada ne izvrši očitavanje po inicijativi, o inicijativi će se Skupština izjašnjavati bez stava Vlade, na narednoj sjednici. Očekivani rezultat bi bio izjašnjenje skupštine kroz Zaključak na usvajanje predmetne inicijative.

Nadamo se da ste zadovoljni odgovorom ovog ministarstva, a pretpostavljamo da će te preciznije podatke sa potpunom informacijom dobiti od ostalih navedenih kao Vlade Federacije BiH, resornih ministarstava koji se odnose na ovaj sektor.

S poštovanjem,



Dostaviti:

- ① Naslovu, 2x
2. Stručnoj službi Vlade Kantona Sarajevo,
3. Evidencija,
4. Arhiva.



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086,
Fax: + 387 (0) 33 562-177
Sarajevo, Reisa Džemaludina Čauševića 1

